

সোশ্যাল ডেভেলপমেন্ট ফাউন্ডেশন (এসডিএফ)

২২/২২ খিলজী রোড, মোহাম্মাদপুর, ঢাকা-১২০৭

প্রধান কার্যালয় নৈতিকতা কমিটির সপ্তদশ সভার কার্যবিবরণী

এসডিএফ প্রধান কার্যালয় নৈতিকতা কমিটির সপ্তদশ সভা গত ২৬ ডিসেম্বর, ২০২২ তারিখ অপরাহ্ন ৩:০০ ঘটিকায় সংস্থার প্রধান কার্যালয়ে অনুষ্ঠিত হয়। উক্ত সভায় সভাপতিত্ব করেন এসডিএফ প্রধান কার্যালয় নৈতিকতা কমিটির আহ্বায়ক এবং সংস্থার ব্যবস্থাপনা পরিচালক এ জেড এম সাখাওয়াত হোসেন। নৈতিকতা কমিটির নিম্নলিখিত সম্মানিত সদস্যবৃন্দ সভায় উপস্থিত ছিলেন।

- | | | |
|----|--|----------------------------|
| ১. | মো: মাহবুবুল আলম পরিচালক (অর্থ ও ক্রয়) | সদস্য |
| ২. | মো: শহিদ রহমত কাদির মহাব্যবস্থাপক (মানব সম্পদ) | সদস্য |
| ৩. | মো: লুৎফর রহমান মহাব্যবস্থাপক, এমই অ্যান্ড এল | সদস্য |
| ৪. | ফওজিয়া তৌহিদ মহাব্যবস্থাপক (কমিউনিকেশন) | সদস্য |
| ৫. | মো: ইশতিয়াক মাহমুদ মহাব্যবস্থাপক (সুশাসন ও জবাবদিহিতা) | সদস্য সচিব ও ফোকাল পয়েন্ট |

নৈতিকতা কমিটির সদস্য ও পরিচালক (অপারেশন), মো: গোলাম ফারুখ এবং নৈতিকতা কমিটির সদস্য ও প্রজেক্ট কো-অর্ডিনেটর, কমপোনেন্ট-৩, এসসিএমএফপি, এম.আই.এম. জুলফিকার মাঠ পর্যায়ের প্রকল্প এলাকা পারিদর্শনে থাকায় নৈতিকতা কমিটির সভায় উপস্থিত থাকতে পারবেন না মর্মে অবহিত করেছেন। সভায় পর্যবেক্ষক হিসেবে উপস্থিত ছিলেন বিমান কুমার ঘোষ, জুনিয়র কর্মকর্তা (সুশাসন ও জবাবদিহিতা)।

সভার আলোচ্যসূচী:

১. গত ২১/০৯/২০২২ তারিখে অনুষ্ঠিত সভার কার্যবিবরণী পঠন, দৃঢ়করণ বাস্তবায়ন ও অগ্রগতি পর্যালোচনা।
২. এসডিএফ এর জাতীয় শুদ্ধাচার কৌশল কর্ম পরিকল্পনা ২০২২-২০২৩ এর ২য় (দ্বিতীয়) প্রান্তিকের লক্ষ্যমাত্রার বিপরীতে অর্জন বিষয়ে আলোচনা।
৩. এসডিএফ কর্মকর্তা-কর্মচারীদের শুদ্ধাচার পুরস্কার প্রদান ২০২১-২২ প্রসঙ্গে।
৪. বাংলাদেশ সরকারের অভিযোগ প্রতিকার ব্যবস্থা সংক্রান্ত নির্দেশিকা (পরিমার্জিত ২০১৮) এর আলোকে এসডিএফ অভিযোগ প্রতিকার ব্যবস্থা সংক্রান্ত নির্দেশিকা প্রসঙ্গে।
৫. কোভিড-১৯ (Covid-19) এর চলমান পরিস্থিতিতে স্বাস্থ্যবিধি মেনে চলা সংক্রান্ত।
৬. বিবিধ।

আলোচ্যসূচী-১:

গত ২১/০৯/২০২২ তারিখে অনুষ্ঠিত সভার কার্যবিবরণী পঠন, দৃঢ়করণ বাস্তবায়ন ও অগ্রগতি পর্যালোচনা।

আলোচনার সারসংক্ষেপ:

সভার শুরুতে প্রধান কার্যালয় নৈতিকতা কমিটির আহ্বায়ক এবং সংস্থার ব্যবস্থাপনা পরিচালক এ জেড এম সাখাওয়াত হোসেন উপস্থিত সকলকে শুভেচ্ছা জানান। অতপর গত ২১ সেপ্টেম্বর, ২০২২ তারিখে অনুষ্ঠিত নৈতিকতা কমিটির ১৬ তম সভার কার্যবিবরণী সঠিকভাবে লিপিবদ্ধ হয়েছে কিনা বা কারো কোনো মন্তব্য আছে কিনা জানতে চাওয়ায় উপস্থিত সম্মানিত সদস্যবৃন্দ কার্যবিবরণীটিতে গৃহীত সিদ্ধান্তসমূহ সঠিকভাবে লিপিবদ্ধ হয়েছে মর্মে ঐকমত্য প্রকাশ করেন।

সিদ্ধান্ত:

২১/০৯/২০২২ তারিখে অনুষ্ঠিত নৈতিকতা কমিটির ১৬তম সভার কার্যবিবরণী সভায় উপস্থিত সকল সম্মানিত সদস্যের সর্বসম্মতিক্রমে গৃহীত হয়।

আলোচ্যসূচী-২:

এসডিএফ এর জাতীয় শুদ্ধাচার কৌশল কর্ম পরিকল্পনা ২০২২-২০২৩ এর ২য় (দ্বিতীয়) প্রান্তিকের লক্ষ্যমাত্রার বিপরীতে অর্জন বিষয়ে আলোচনা।

আলোচনার সারসংক্ষেপ:

এসডিএফ প্রধান কার্যালয় নৈতিকতা কমিটির আহ্বায়ক এবং সংস্থার ব্যবস্থাপনা পরিচালক এ জেড এম সাখাওয়াত হোসেন বলেন যে, কর্ম-পরিকল্পনার

- সূচক ১.১ (নৈতিকতা কমিটির সভা আয়োজন): প্রধান কার্যালয়ের নৈতিকতা কমিটির সভার যে লক্ষ্যমাত্রা তা আজকের সভা অনুষ্ঠিত হবার মাধ্যমে অর্জিত হচ্ছে।
- সূচক ১.২ (নৈতিকতা কমিটির সভার সিদ্ধান্ত বাস্তবায়ন): এর অর্জন হচ্ছে এই সভা হতে গৃহীত সিদ্ধান্তের বাস্তবায়ন। সভার সভাপতি জানতে চান যে, নৈতিকতা কমিটির সভার সিদ্ধান্ত বাস্তবায়ন কতটুকু হয়েছে। জবাবে নৈতিকতা কমিটির সদস্য সচিব এবং মহাব্যবস্থাপক (সুশাসন ও জবাবদিহিতা) সভাকে অবহিত করেন যে, নৈতিকতা কমিটির সভার সিদ্ধান্ত বাস্তবায়ন সিংহভাগ বাস্তবায়ন হয়েছে যা লিখিত আকারে সভার সম্মানিত সদস্যদের দেয়া হয়েছে এবং তিনি তা পাঠ করে শুনান। তিনি জানান যে, যেহেতু মন্ত্রণালয়ে প্রতি প্রান্তিকে অগ্রগতির প্রমাণক দেয়ার বাধ্যবাধকতা রয়েছে সেহেতু আমরা প্রতি প্রান্তিকে নৈতিকতা কমিটির সভার সিদ্ধান্ত বাস্তবায়ন অগ্রগতি প্রতিবেদন তৈরী করছি।
- সূচক ১.৩ (সুশাসন প্রতিষ্ঠার নিমিত্ত অংশীজনের অংশগ্রহণে সভা): এই সূচকের লক্ষ্যমাত্রা অর্জিত হয়েছে। সভার সভাপতি বলেন যে, প্রতিটি সভার তথ্য ফাইলে সংরক্ষণ করতে হবে। জবাবে নৈতিকতা কমিটির সদস্য সচিব এবং মহাব্যবস্থাপক (সুশাসন ও জবাবদিহিতা) সভাকে অবহিত করেন যে, প্রতিটি সভার তথ্য ফাইলে সংরক্ষণ করা হচ্ছে।
- সূচক ১.৪ (শুদ্ধাচার সংক্রান্ত প্রশিক্ষণ আয়োজন): লক্ষ্যমাত্রা হতে অর্জন বেশি হয়েছে।
- সূচক ১.৫ (কর্ম-পরিবেশ উন্নয়ন): এই সূচকে লক্ষ্যমাত্রা অর্জিত হয়েছে এবং কর্মসূচি চলমান আছে। অপ্রয়োজনীয় বা ব্যবহার অনুপযোগী আসবাবপত্র এবং অন্যান্য উপকরণ রয়েছে তা বিক্রয় এবং প্রয়োজনে বিনষ্টকরণের জন্য একটি কমিটি গঠন করা হয়েছিল। কমিটি ব্যবহার অনুপযোগী মালামালের



তালিকা তৈরী করেছে এবং ডেসেম্বরের মাধ্যমে তা ৪,৭১,০০০/= (চার লক্ষ একাত্তর হাজার) টাকায় বিক্রয় করেছে।

- সূচক ১.৬ (আওতাধীন মাঠ পর্যায়ের কার্যালয় কর্তৃক দাখিলকৃত জাতীয় শুদ্ধাচার কৌশল কর্ম-পরিকল্পনার ত্রৈমাসিক অগ্রগতি প্রতিবেদনের ওপর ফিডব্যাক প্রদান): লক্ষ্যিত সময়ের মধ্যে অর্জিত লক্ষ্যমাত্রা অর্জন হবে বলে নৈতিকতা কমিটির সদস্য সচিব এবং মহাব্যবস্থাপক (সুশাসন ও জবাবদিহিতা) আশাবাদ ব্যক্ত করেন।
- সূচক ২.২ (অনুমোদিত বার্ষিক ক্রয়-পরিকল্পনার যথাযথ বাস্তবায়ন (রাজস্ব এবং উন্নয়ন বাজেটের)): এই সূচকের লক্ষ্যমাত্রা অর্জিত হয়েছে।
- সূচক ২.৩ (বাজেট বাস্তবায়ন): এই সূচকের লক্ষ্যমাত্রা অর্জিত হয়েছে।
- সূচক ২.৪ (প্রকল্পের PIC সভা আয়োজন): এই সূচকের লক্ষ্যমাত্রা অর্জিত হয়েছে।
- সূচক ৩.১ (প্রকল্পের যানবাহনের যথাযথ ব্যবহার নিশ্চিতকরণ): এই সূচকের লক্ষ্যমাত্রা অর্জিত হয়েছে।
- সূচক ৩.২ (দুর্নীতির বিরুদ্ধে আইনগত পদক্ষেপ): এই সূচকে কার্যক্রম চলমান আছে। মো: শহিদ রহমত কাদির, মহাব্যবস্থাপক (মানব সম্পদ) সভাকে অবহিত করেন যে, দ্বিতীয় প্রান্তিকে দুর্নীতি সম্পর্কিত কোন অভিযোগ নাই।
- সূচক ৩.৪ (নারীর ক্ষমতায়ন): এই সূচকে কর্মসূচি চলমান আছে।

আলোচ্যসূচী-৩:

এসডিএফ কর্মকর্তা-কর্মচারীদের শুদ্ধাচার পুরস্কার প্রদান ২০২১-২০২২ প্রসঙ্গ।

আলোচনার সারসংক্ষেপ:

এই বিষয়ে শুদ্ধাচার পুরস্কার প্রদান কমিটির সদস্য সচিব এবং মহাব্যবস্থাপক (সুশাসন ও জবাবদিহিতা) সভাকে অবহিত করেন যে, মাঠ পর্যায় থেকে প্রেরিত পুরস্কারের জন্য সুপারিশকৃত কর্মকর্তা-কর্মচারীদের তালিকা ব্যবস্থাপনা পরিচালক এবং শুদ্ধাচার পুরস্কার প্রদান কমিটির আহ্বায়ক-কে প্রদান করা হয়েছে। এই পর্যায়ে ব্যবস্থাপনা পরিচালক এ জেড এম সাখাওয়াত হোসেন বলেন যে, শুদ্ধাচার পুরস্কার প্রদান করার লক্ষ্যে যোগ্য কর্মকর্তা-কর্মচারীদের তালিকা চূড়ান্ত করা জন্য একটি সভা করা প্রয়োজন। সভায় বিশদ আলোচনা করে শুদ্ধাচার পুরস্কার পাওয়ার যোগ্য কর্মকর্তা-কর্মচারীদের তালিকা চূড়ান্ত করা হবে। সভাটি জানুয়ারি, ২০২৩ মাসে অনুষ্ঠিত হবে বলে তিনি আশাবাদ ব্যক্ত করেন।

সিদ্ধান্ত:

শুদ্ধাচার পুরস্কার প্রদান কমিটির পরবর্তী সভায় শুদ্ধাচার পুরস্কার পাওয়ার যোগ্য কর্মকর্তা-কর্মচারীদের তালিকা চূড়ান্ত করা হবে।

আলোচ্যসূচী-৪:

বাংলাদেশ সরকারের অভিযোগ প্রতিকার ব্যবস্থা সংক্রান্ত নির্দেশিকা (পরিমার্জিত ২০১৮) এর আলোকে এসডিএফ অভিযোগ প্রতিকার ব্যবস্থা সংক্রান্ত নির্দেশিকা প্রসঙ্গ।

আলোচনার সারসংক্ষেপ:

নৈতিকতা কমিটির সদস্য সচিব ও ফোকাল পয়েন্ট এবং মহাব্যবস্থাপক (সুশাসন ও জবাবদিহিতা) জনাব ইশতিয়াক মাহমুদ সভাকে অবহিত করেন যে, বাংলাদেশ সরকারের অভিযোগ প্রতিকার ব্যবস্থা সংক্রান্ত নির্দেশিকা (পরিমার্জিত ২০১৮) এর আলোকে এসডিএফ কর্তৃক অভিযোগ প্রতিকার ব্যবস্থা সংক্রান্ত নির্দেশিকা-এর খসড়া তৈরি করে জমা দেয়া হয়েছে, যার কপি নৈতিকতা কমিটির সকল সদস্যকে দেওয়া হয়েছে। এছাড়া মাঠ পর্যায়ে আঞ্চলিক ব্যবস্থাপকদের (সুশাসন ও জবাবদিহিতা) সাথে অনুষ্ঠিত জুম মিটিং-এ সংক্রান্ত আলোচনা করা হয়েছে।

সিদ্ধান্ত:

আগামী সভায় মাঠ পর্যায়ে সকল আঞ্চলিক ব্যবস্থাপক (সুশাসন ও জবাবদিহিতা)-এর সাথে জুম মিটিং-এ আলোচনা হতে প্রাপ্ত ফিডব্যাক ও নৈতিকতা কমিটির সকল সম্মানিত সদস্যের মতামতের উপর আলোচনা করে অভিযোগ প্রতিকার ব্যবস্থা সংক্রান্ত নির্দেশিকার খসড়া চূড়ান্ত করতে হবে। অতপর ওয়েবসাইটে আপলোড করা হবে।

আলোচ্যসূচী-৫:

কোভিড-১৯ (Covid-19) এর চলমান পরিস্থিতিতে স্বাস্থ্যবিধি মেনে চলা সংক্রান্ত।


আলোচনার সারসংক্ষেপ:

বর্তমানে বিশ্বে কোভিড-১৯ (Covid-19) ভাইরাস সংক্রমন বেড়ে যাওয়ায় এবং কর্মকর্তা-কর্মচারীদের মধ্যে মাস্ক পরিধান এবং কর্মক্ষেত্রে স্বাস্থ্যবিধি অনুসরণে যথেষ্ট শৈথিল্য পরিলক্ষিত হওয়ায় সকল কর্মকর্তা/কর্মচারীকে এ সংক্রান্ত স্বাস্থ্যবিধি এবং অফিস চলাকালীন সময়ে সংশ্লিষ্ট নির্দেশনা মেনে চলা বাধ্যতামূলক বলে নৈতিকতা কমিটি আহ্বায়ক এ জেড এম সাখাওয়াত হোসেন সভাকে অবহিত করেন।

আলোচ্যসূচী-৬:

বিবিধ

বিবিধ আলোচনায় কোন আলোচনা না থাকায় নৈতিকতা কমিটির সম্মানিত আহ্বায়ক এবং সভার সভাপতি সবাইকে ধন্যবাদ জানিয়ে সভার সমাপ্তি ঘোষণা করেন।



এ জেড এম সাখাওয়াত হোসেন

ব্যবস্থাপনা পরিচালক

এবং

আহ্বায়ক, এসডিএফ প্রধান কার্যালয় নৈতিকতা কমিটি